

gornje kolijevke do međustanice, osnježenje platoa dolazne stanice šestosjeda sa postavljanjem "tower" nosača na stazi "S".

II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-43471-18/20  
06. novembra 2020. godine  
Sarajevo

Po ovlaštenju premijera  
Ministar  
**Anis Krivić**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 40. sjednici održanoj 06.11.2020. godine, donijela je

**ODLUKU**

**O PRIHVATANJU TEKSTA PRIJEDLOGA  
KOLEKTIVNOG UGOVORA O IZMJENAMA  
KOLEKTIVNOG UGOVORA ZA DJELATNOSTI  
PREDŠKOLSKOG ODGOJA I OSNOVNOG ODGOJA I  
OBRAZOVANJA U KANTONU SARAJEVO**

I

Prihvata se Tekst prijedloga Kolektivnog ugovora o izmjenama Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo.

II

Daje se saglasnost premijeru Kantona Sarajevo, Nenadić Mariu, da u ime Vlade Kantona Sarajevo potpiše Kolektivni ugovor o izmjenama Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo.

III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-43471-5/20  
06. novembra 2020. godine  
Sarajevo

Po ovlaštenju premijera  
Ministar  
**Anis Krivić**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 23. stav (3) Zakona o srednjem obrazovanju ("Službene novine Kantona Sarajevo", broj 23/17 i 30/19), Vlada Kantona Sarajevo, na 40. sjednici održanoj 06.11.2020. godine, donijela je

**ODLUKU**

I

Ovom odlukom donose se Izmjene i dopune Pedagoških standarda i normativa za srednje obrazovanje ("Službene novine Kantona Sarajevo", broj 23/04 i 27/08).

II

Izmjene i dopune Pedagoških standarda i normativa za srednje obrazovanje čine sastavni dio ove odluke.

III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-43471-6/20  
06. oktobra 2020. godine  
Sarajevo

Po ovlaštenju premijera  
Ministar  
**Anis Krivić**, s. r.

Na osnovu člana 22. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 23. stav (3) Zakona o srednjem obrazovanju ("Službene novine Kantona Sarajevo",

broj 23/17 i 30/19), Vlada Kantona Sarajevo, na 40. sjednici održanoj 06.11.2020. godine, donijela je

**IZMJENE I DOPUNE PEDAGOŠKIH  
STANDARDA I NORMATIVA ZA SREDNJE  
OBRAZOVANJE**

I

U Pedagoškim standardima i normativima za srednje obrazovanje ("Službene novine Kantona Sarajevo", broj 23/04 i 27/08), u poglavlju 5.2. mijenja se i glasi:

**STRUKTURA RADNE SEDMICE BIBLIOTEKARA**

Profil i stručna sprema bibliotekara utvrđena je kako slijedi:

- (1) Diplomirani bibliotekar, VII stepen,
- (2) VSS ili završen II, odnosno III ciklus bolonjskog visoko-obrazovnog procesa koji sadrži profil bibliotekara,
- (3) Nastavnik sa VII stepenom stručne spreme ili završenim II, odnosno III ciklusom bolonjskog visoko-obrazovnog procesa sa položenim stručnim ispitom iz bibliotekarstva - viši knjižničar ili bibliotekar. Ovaj drugi uslov nastavnik mora ispuniti do kraja 2021/2022. školske godine.

Bibliotekar u okviru 40 - časovne radne sedmice obavlja sljedeće radne zadatke:

Poslovi planiranja:

- Učešće u programiranju rada škole/ustanove, saradnja s nastavnicima/odgajateljima u neposrednom planiranju i izvođenju obrazovno-odgojnog rada, poslovi planiranja, obnove i nabavke novih knjiga, dopuna bibliotečkog fonda 4 sata,
- Praćenje i realizacija programa rada škole/ustanove:
- Permanentan rad na praćenju realizacije programskih zadataka škole sa stanovišta programskih zadataka škole sa stanovišta funkcije i uloge školske biblioteke u realizaciji nastavnih i vannastavnih odgojno-obrazovnih sadržaja 2 sata,
- Rad na pravovremenom informisanju nastavnika i stručnih saradnika škole/ustanove o novinama u stručnoj literaturi i periodici, rad na klasifikaciji i stručnoj obradi periodike 3 sata,
- Rad s učenicima na popularizaciji knjige, davanje uputa za korištenje i metodičkih napomena za brzo i efikasno sticanje potrebnih informacija, saradnja s roditeljima u području korištenja knjigama i programa pomoći učenicima 2 sata,
- Stručna analiza rezultata rada u okviru realizacije programa rada škole 1 sat,

Ostali poslovi i radni zadaci:

- Stručno evidentiranje i klasifikacija fonda knjiga, fonda stručne knjige i periodike, dječije i omladinske štampe, časopisa, naslova po predmetima i nastavnim područjima 3 sata,
  - Poslovi na izdavanju i preuzimanju knjiga 20 sati,
  - Poslovi informisanja 2 sata,
  - Permanentno stručno usavršavanje 2 sata,
  - Ostali poslovi po nalogu direktora škole 1 sat,
- Ukupno: 40 sati

Bibliotekar obavlja i druge stručne poslove prema potrebi, po nalogu direktora i organa upravljanja škole, pa se prethodna satnica može izmijeniti.

## II

Ovaj akt stupa na snagu danom donošenja, a primjenjivat će se od 01. septembra 2020. godine.

Broj 02-04-43471-6.1/20  
06. novembra 2020. godine  
Sarajevo

Po ovlaštenju Premijera  
Ministar  
**Anis Krivić**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 12. stav (4) Zakona o ublažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo", broj 18/20), Vlada Kantona Sarajevo, na 40. sjednici održanoj 06.11.2020. godine, donijela je

**ODLUKU  
O ODOBRAVANJU PLAĆANJA NAKNADE  
MINISTARSTVU PRIVREDE KANTONA SARAJEVO  
ZA OBAVEZNO GODIŠNJE STRUČNO  
USAVRŠAVANJE - EDUKACIJU CERTIFICIRANOG  
RAČUNOVOĐE**

## Član 1.

Odobrava se Ministarstvu privrede Kantona Sarajevo plaćanje naknada za obavezno godišnje stručno usavršavanje - edukaciju certificiranog računovođe, u cilju ispunjenja zakonske obaveze kod predaje godišnjih finansijskih izvještaja.

## Član 2.

Za realizaciju ove odluke zadužuje se Ministarstvo privrede Kantona Sarajevo i Ministarstvo finansija Kantona Sarajevo, svako u okviru svoje nadležnosti.

## Član 3.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-43471-19/20  
06. novembra 2020. godine  
Sarajevo

Po ovlaštenju premijera  
Ministar  
**Anis Krivić**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 19. Zakona o predškolskom odgoju i obrazovanju u Kantonu Sarajevo ("Službene novine Kantona Sarajevo", broj 26/08 i 21/09), Vlada Kantona Sarajevo, na 40. sjednici održanoj 06.11.2020. godine, donijela je

**ODLUKU  
O DAVANJU PRETHODNE SAGLASNOSTI ZA  
OSNIVANJE PREDŠKOLSKE USTANOVE  
"MASLAČAK"**

## I

Daje se prethodna saglasnost Društvu sa ograničenom odgovornošću Sarajevo, "Maslačak" Sarajevo, za osnivanje privatne Predškolske ustanove "Maslačak", sa sjedištem u Sarajevu, ulica Hamdije Kreševljakovića broj 50, općina Centar Sarajevo.

## II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-43471-7/20  
06. novembra 2020. godine  
Sarajevo

Po ovlaštenju premijera  
Ministar  
**Anis Krivić**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj

36/14 - Novi prečišćeni tekst i 37/14 - Ispravka) i člana 251. Zakona o osnovama sigurnosti saobraćaja na putevima u Bosni i Hercegovini ("Službeni glasnik BiH", broj 6/06, 75/06, 44/07, 84/09, 48/10, 18/3 i 8/17), Vlada Kantona Sarajevo, na 40. sjednici održanoj 06.11.2020. godine, donijela je

**ODLUKU  
O DOPUNI I IZMJENI ODLUKE O OSNIVANJU  
VIJEĆA ZA SIGURNOST SAOBRAĆAJA NA CESTAMA  
U KANTONU SARAJEVO**

## I

U Odluci o osnivanju Vijeća za sigurnost saobraćaja na cestama u Kantonu Sarajevo ("Službene novine Kantona Sarajevo", br. 38/16 i 34/18) u tački IV iza stava 3. dodaje se novi stav 4. koji glasi:

"Ministri nadležnih ministarstva, u slučaju spriječenosti, mogu ovlastiti punomoćnika da prisustvuje sjednici Vijeća i glasa prema uputama datim od strane resornog ministra po pojedinim tačkama dnevnog reda".

Dosadašnji stav 4. postaje stav 5., a stav 5. postaje stav 6.

## II

U tački X riječi: "ukoliko nisu zaposleni u organima uprave na bilo kojem nivou vlasti u Bosni i Hercegovini, brišu se.

## III

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-04-43471-8/20  
06. novembra 2020. godine  
Sarajevo

Po ovlaštenju premijera  
Ministar  
**Anis Krivić**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 12. stav (4) Zakona o ublažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo", broj 18/20), Vlada Kantona Sarajevo, na 40. sjednici održanoj 06.11.2020. godine, donijela je

**ODLUKU**

## Član 1.

Daje se saglasnost Kantonalnoj javnoj ustanovi "Porodično savjetovalište" za izuzeće primjene člana 12. stav (1) Zakona o ublažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo", broj 18/20), u vezi sa isplatom sredstava za stručno obrazovanje i to za stručnu edukaciju iz oblasti zaštite od požara.

## Član 2.

U vezi sa članom 1. ove odluke daje se saglasnost Kantonalnoj javnoj ustanovi "Porodično savjetovalište" za isplatu sredstava za stručno obrazovanje i to za stručnu edukaciju iz oblasti zaštite od požara, u iznosu od 210,60 KM, sa ukalkulisanim PDV-om.

## Član 3.

Sredstva iz člana 2. ove odluke isplatit će se iz Budžeta Kantona Sarajevo za 2020. godinu, budžetska organizacija 23040001 Kantonalna javna ustanova "Porodično savjetovalište", ekonomski kod 613900 Ugovorene i druge posebne usluge.

## Član 4.

Za realizaciju ove odluke zadužuje se Kantonalna javna ustanova "Porodično savjetovalište", Ministarstvo za rad, socijalnu politiku, raseljena lica i izbjeglice Kantona Sarajevo i